



Publicaziuns officialas dils 25-09-2009

Damondas da baghegiar

Nr. 84/2009

Datum da publicaziun: 25-09-2009

Patrun: Robert Candinas, 7180 Mustér

Representant: Maissen architectura ed immobilias SA, 7180 Mustér

Object: Spazzar tegia existenta nr. d'assec. 711 e construcziun d'ina nova tegia sin parcella nr. 5203 a Surrein, Val Sumvitg.

Nr. 85/2009

Datum da publicaziun: 25-09-2009

Patrun: Giochen e Sandra Bearth, 7175 Sumvitg

Representant: Hendry SA, 7188 Sedrun

Object: Niev indrez solar vid la fatschada encunter miezdi vid la casa nr d'assec. 2M sin parcella nr. 4841 a Sumvitg, Quadras Sut.

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun. Eventualas prote-stas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 25-09-2009

Cumissiun da baghegiar Sumvitg

Votaziuns federalas dils 27-09-2009

Project mira pagina 2 da quest FUS

L'urna ei aviarta (en canzlia communal)

gievgia e venderdis mintgamai duront las uras da spurtegl

dumengia, ils 27-09-2009, dallas 10.00 – 11.00 uras

Sonda e dumengia, ils 26 ed ils 27 da settember mintgamai avon il survetsch divin en las fracziuns sin plaz cadruvi.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriver. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sin il certificat pil dretg da votar.

Sumvitg, 25-09-2009

Suprastonza communal Sumvitg

Attestaziun dallas surfatschas cultivadas 2009

Mintga cultivader da funs sto attestar igl atun en tgei rama ch'el ha cultivau siu funs, tenor directivas publicadas el "pur grischun". Sin fundament dalla surfatscha dil prau e dalla cultivaziun vegnan las contribuziuns pagadas il davos digl onn. Ils formulars da funs ston vegnir controllai, suttascrats e returnai agl uffeci d'agricultura. Il gerau d'agricultura stat a disposiziun per quella lavur gliendisdis e mardis, ils 28-09 ed ils 29-09-2009 dallas 09.00-12.00 uras e 13.00-17.00 uras en stanza da seduta dalla canzlia communal. Nus supplichein da nudar e risguardar quei datum.

Sumvitg, 25-09-2009

Departament d'agricultura

Uniun Sportiva – Viadi d'atun

Dumengia ils 4 d'october 2009 (Datum da reserva ils 11 d'october 2009)

Tura gronda:

- partenza allas 8.00 parcadi hotel «Greina»
- cun autos privats tochen Flem (parcadi pendicularas)
- viadi cun sutgeras e pendiculara tochen Cassons 2675 m.s.m.
- tura a pei entochen la ruosna S. Martin e sil pas Segnes
- retuorn sul Crap da Flem tochen Bargis
- cun auto da posta anavos a Flem

Tura pintga:

- partenza allas 10.00 parcadi hotel «Greina»
- cun autos privats tochen Flem/Fidaz
- viadi a pei, ni cun auto da posta entochen Bargis
- individuala spassegiada ella val Bargis
- sentupada cun gruppa dalla tura gronda ella ustria a Bargis
- anavos cun auto da posta a Flem/Fidaz

Il viadi vegn menaus atras mo da bialaura!

Proviant: ord il sacados.

Segirada: caussa da mintgin.

Per damondas stattan a disposiziun: Renato Monn, tel. 079 434 00 07 ed Ursin Bearth, tel. 079 603 72 09.

Cordialmein envida *Uniun sportiva Rabius il comité*

Sanaziun dil tuchiez dalla baselgia parochiala Sumvitg

Gliendisdis, ils 28 da settember entscheiva la firma Muff cun la sanaziun dil tuchiez da nossa baselgia parochiala. **Naven da quei di ein ils zenns e l'ura baselgia da nies clutger per ca. quater jamnas buca en funcziun.** Sche tut sespleiga sco previu, tucan ils zenns puspei da Numnasontga (ils 1. da november). En cass da mortoris ha la suprastonza da pleiv decidiu da schar tucar da miert a Cumpadials. Nus supplichein vischinas e vischins da prender enconuschientscha da quei avis e nus engraziein per Vossa capientscha. *Suprastonza da pleiv Sumvitg-Cumpadials*

Cussegl pastoral Rabiuis

Caras vischinas e vischins, nies survetsch divin campester ha liug uonn a Campieschas. Nus envidein cordialmein pign e grond da far cuminonza cun nus. **Dumengia, ils 27 da settember 2009 festivein nus survetsch divin dallas 11.00.** Silsuenter purschein nus sco adina la pusseivladad da gentar sil plaz. (En cass da malaura ha la s. messa liug en baselgia ed il gentar en halla dalla casa da scola). Nus selegrein sin vus! Biars salids *sur Benny ed ils commembers dal Cussegl pastoral*

Novs maletgs dalla via dalla Crusch a Clavadi

Dacuort ein ils maletgs dalla via dalla Crusch denter Sumvitg e Clavadi vegni renovai. **Dumengia, ils 27 da settember 2009 allas 16.30** serendin nus naven dil caraun sur baselgia viers Clavadi, contemplein ils novs maletgs e meditein leutier. A Clavadi vegn purschiu in aperitiv. *Fundaziun caplutta Nossadunna Clavadi e sur Benny*

Club da ballapei Trun/Rabiuis

Campionadi da ballapei

Mira sut Trun.

Biblioteca Trun

En biblioteca a Trun prelegia Gabriel Derungs ord siu cudisch «**Agid!**». **Venderdis, ils 2. d'october 2009 allas 20.30.** Cordialmein envidai ei era la scola da Sumvitg cun lur geniturs. *La Cumissiun biblioteca ed il team dallas bibliotecaras*

Biblioteca Trun

Mira Sut Trun

Biblioteca populara, Mustér

Mira sut Disentis/Mustér.

Biblioteca populara, Mustér

Nus festivein 25 onns

Mira sut Disentis/Mustér.